

3. **HEDYPNOIS** Tourn., Gaertn. *Achaenia rostrata*, extima exalata, suberosa, teretia, foliolis involuta; interiora alata, non suberosa. Pappus biserialis, achaeniis extimis brevissimus, palea una alterave longiori; achaeniis interioribus brevis, paleis longissime acuminatis, exterioribus crebrioribus, angustioribus et inaequalibus. — *Herbae annuae, regiones Mediterraneas habitantes, glabriusculae, tantum basi ima foliatae; caulis apice incrassatis; foliis runcinatis; involucris uniserialibus, calyculatis.*

H. radiata Gaertn. l. c. t. 160 f. 3. (num etiam Linnaei?) *H. scabra* W. sp. pl. III. p. 1613. — *Achyrastrum* Neck. elem. I. 57.

4. **APOSERIS** Neck., Cass*). *Achaenium rostratum, alatum, obcompressum, conforme. Pappus biserialis, achaeniis extimis brevissimus, aequalis; interioribus submediocris, paleis longissime acuminatis, interioribus quinis, exterioribus crebrioribus, inaequalibus, angustioribus. — Herbae perennes, glabrae, regiones Mediteraneas incolentes, tantum basi ima foliatae, caulis apice parum incrassatis; foliis runcinatis; involucris uniserialibus calyculatis.*

Aposeris foetida Cass. l. c. = *Hyposeris foetida* L., *A. lucida* * = *Hyposeris lucida* L.

5. **CATANANCHE** L. *Achaenium erostre, turbinatum, conforme. Pappus longus, quinque-paleaceus, paleis longissime acuminatis, aequalibus, denticulatis. — Herbae regiones Mediterraneas habitantes pl. tantum basi foliatae, foliis gramineis; involucris scariosis; multiserialibus.*

C. lutea L.; *coerulea* L. etc.

6. **ACANTHOPHYTON** n. g. *Achaenium erostre, turbinatum, transverse rugulosum, conforme. Pappus brevissimus, aequalis, multipaleaceous, basi margine achaenii prominulo cinctus, paleis ellipticis, obtusis, remotiusculis. — Herba biennis? regiones Mediterraneas habitans foliis runcinato-dentatis; caule dichotomo, ramis divergentibus, nudis spinescentibus; capitulis axillaribus, solitariis, circiter 6-floris; involucris cylindraceis, imbricatis.*

A. spinosum * = *Cichorium spinosum* L.